

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савет

Zaključak

po Prijavi koncentracije privrednog subjekta OPTIMA Grupa društvo sa ograničenom odgovornošću za trgovinu naftom i naftnim derivatima Banja Luka, Bosna i Hercegovina, i privrednog subjekta Naftachem d.o.o. za trgovinu i usluge Novi Sad, Republika Srbija

Sarajevo
septembar, 2011. godine



Broj: 06-26-1-015-4-II/11
Sarajevo, 29. septembar 2011. godine

Na osnovu člana 42. stav (2), a u vezi s članom 12. stav (1) Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije privrednog subjekta OPTIMA Grupa društvo sa ograničenom odgovornošću za trgovinu naftom i naftnim derivatima Banja Luka, Kralja Alfonsa XIII broj 37A, 78000 Banja Luka, Bosna i Hercegovina, i privrednog subjekta Naftachem d.o.o. za trgovinu i usluge Novi Sad, Laze Telečkog 9, 21000 Novi Sad, Republika Srbija, zaprimljenoj pod brojem: 06-26-1-015-II/11 dana 18. jula 2011. godine, Konkurencijsko vijeće, na 17. (sedamnaestoj) sjednici održanoj dana 29. septembra 2011. godine, je donijelo

Z A K L J U Č A K

1. Odbacuje se Prijava koncentracije privrednog subjekta OPTIMA Grupa društvo sa ograničenom odgovornošću za trgovinu naftom i naftnim derivatima Banja Luka, Kralja Alfonsa XIII broj 37A, 78000 Banja Luka, Bosna i Hercegovina, i privrednog subjekta Naftachem d.o.o. za trgovinu i usluge Novi Sad, Laze Telečkog 9, 21000 Novi Sad, Republika Srbija, radi nepostojanja koncentracije, u smislu člana 12. stav (1) Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, pod brojem: 06-26-1-015-II/11 dana 18. jula 2011. godine, Prijavu koncentracije (u daljem tekstu: Prijava) privrednog subjekta OPTIMA Grupa društvo sa ograničenom odgovornošću za trgovinu naftom i naftnim derivatima Banja Luka, Kralja Alfonsa XIII broj 37A, 78000 Banja Luka, Bosna i Hercegovina (u daljem tekstu: OPTIMA Grupa), i privrednog subjekta Naftachem d.o.o. za trgovinu i usluge Novi Sad, Laze Telečkog 9, 21000 Novi Sad, Republika Srbija (u daljem tekstu: Naftachem), podnesenu po g-dinu Slavku Šćepanoviću prvom zamjeniku direktora privrednog subjekta OPTIMA Grupa (prema Odluci broj: P-I-3/11 od dana 12. januara 2011. godine i punomoći privrednog subjekta Naftachem od dana 5. jula 2011. godine).

Konkurencijsko vijeće uvidom u podnesenu Prijavu je utvrdilo istu potpunom i kompletnom, u smislu člana 30. stav (1) Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterija za ocjenu koncentracija privrednih subjekta («Službeni glasnik BiH», broj 34/10), te je Podnosiocu prijave izdalo, u smislu člana 30. stav (3) Zakona, Potvrdu o kompletnoj i urednoj prijavi, broj: 06-26-1-015-2-II/11 dana 22. septembra 2011. godine.

Konkurencijsko vijeće iz Prijave je utvrdilo slijedeće činjenice:

Prijava je podnesena u smislu člana 16. stav (1) Zakona.

1. Učesnici koncentracije

Učesnici koncentracije su privredni subjekt OPTIMA Grupa društvo sa ograničenom odgovornošću za trgovinu naftom i naftnim derivatima Banja Luka, Kralja Alfonsa XIII broj 37A, 78000 Banja Luka, Bosna i Hercegovina, i privredni subjekt Naftachem d.o.o. za trgovinu i usluge Novi Sad, Laze Telečkog 9, 21000 Novi Sad, Republika Srbija.

1.1. Privredni subjekt OPTIMA Grupa

Privredni subjekt OPTIMA Grupa društvo sa ograničenom odgovornošću za trgovinu naftom i naftnim derivatima Banja Luka, Kralja Alfonsa XIII broj 37A, 78000 Banja Luka, Bosna i Hercegovina registrovan je dana 11. februara 2008. godine na Osnovnom sudu u Banja Luci pod brojem: 1-16709-00.

Osnovne registrovane djelatnosti privrednog subjekta OPTIMA Grupa su trgovina na veliko i malo naftom i naftnim derivatima i sličnim proizvodima.

Privredni subjekt Otvoreno akcionarsko društvo „NeftegazInKor“ Ul. Kalančevskaja 11. Korpus 2. Moskva, Ruska Federacija ima 100,0% vlasničkih udjela u osnovnom kapitalu privrednog subjekta OPTIMA Grupa.

Privredni subjekt „OPTIMA Grupa“ u Bosni i Hercegovini ima u:

- privrednom subjektu Nestro Petrol a.d. Banja Luka, 80,000031% vlasničkih udjela u osnovnom kapitalu (pretežna registrovana djelatnost je trgovina na malo naftnim derivatima);
- privrednom subjektu „Rafinerija nafte“ a.d. Brod, 79,998602% vlasničkih udjela u osnovnom kapitalu (pretežna registrovana djelatnost je proizvodnja naftnih derivata);
- privrednom subjektu „Rafinerija ulja Modriča“ a.d. Modriča, 75,651467% vlasničkih udjela u osnovnom kapitalu (pretežne registrovane djelatnosti su proizvodnja motornih ulja i maziva).

1.1.1. Privredni subjekt Nestro Dunav

Privredni subjekt Nestro Dunav d.o.o. Beograd, Topličin venac 1/2, 11000 Beograd, Republika Srbija (u daljem tekstu: Nestro Dunav), upisan je u Registar privrednih subjekta Agencije za privredne registre Republike Srbije dana 28. septembra 2010. godine (matični broj: 20680075) s osnovnim kapitalom (..)***¹ KM (EUR (..)**) s 100,0% vlasničkih udjela privrednog subjekta OPTIMA Grupa.

Pretežne registrovane djelatnosti privrednog subjekta Nestro Dunav su trgovina na veliko čvrstim, tečnim i gasovitim gorivima i sličnim proizvodima.

1.2. Privredni subjekt Naftachem

Privredni subjekt Naftachem d.o.o. za trgovinu i usluge Novi Sad, Laze Telečkog 9, 21000 Novi Sad, Republika Srbija, je registrovan u Trgovačkom sudu u Novom Sadu, pod brojem 1-24443 (matični broj: 08791546) dana 14. maja 2003. godine, s upisanim osnovnim kapitalom od (..)***KM (EUR (..)**), osnovan od privrednog subjekta Raybon International llc, Vashington 15.

¹ (..)*** - Podaci predstavljaju poslovnu tajnu, u smislu člana 38. Zakona o konkurenciji

Street 1023, SAD (u daljem tekstu: Raybon International), s (...)***% vlasničkih udjela, i fizičkog lica Jelene Čuković, (...)** 9/6, 21000 Novi Sad, s (...)***% vlasničkih udjela.

Pretežne registrovane djelatnosti privrednog subjekta Naftachem su trgovina na veliko čvrstim, tečnim, plinskim gorivima i sličnim proizvodima i isključivo djeluje na tržištu Republike Srbije.

Privredni subjekt Raybon International ne djeluje na tržištu Bosne i Hercegovine, odnosno ne ostvaruje prihode od prodaje roba i / ili usluga u Bosni i Hercegovini.

2. Pravni osnov i oblik koncentracije

Kao pravni osnov transakcije je dostavljen Ugovor o pristupanju, od dana 7. jula 2011. godine, zaključen između privrednog subjekta OPTIMA Grupa i privrednog subjekta Naftachema.

Predmet Ugovora o pristupanju je uključivanje novog člana - privrednog subjekta Naftachema u vlasničku strukturu privrednog subjekta Nestro Dunav (u kojem privredni subjekt OPTIMA Grupa ima 100,0% vlasničkih udjela) u postupku povećanja osnovnog kapitala privrednog subjekta Nestro Dunav.

Na osnovu Ugovora o pristupanju, privredni subjekt Naftachem se obavezao unijeti ulog u osnovnom kapitalu u visini od (...)**KM (EUR (...)**) te će se ukupan osnovni kapital privrednog subjekta Nestro Dunav povećati na (...)**KM (EUR (...)**), a da će nakon provedene predmetne transakcije struktura vlasničkih udjela u privrednom subjektu Nestro Dunav biti:

- privredni subjekt OPTIMA Grupa će imati (...)**KM (EUR (...)**) u osnovnom kapitalu, odnosno 51,0% vlasničkih udjela;
- privredni subjekt Naftachem će imati (...)**KM (EUR (...)**) u osnovnom kapitalu, odnosno 49,0% vlasničkih udjela.

Konkurencijsko vijeće je utvrdilo, na osnovu navedenih odredbi Ugovora o pristupanju, da predmetna transakcija ne ispunjava uslove iz člana 12. stav (1) Zakona, te učesnici koncentracije nisu bili obavezni podnijeti prijavu koncentracije.

3. Administrativna taksa

Podnosilac prijave na ovaj Zaključak, u skladu sa članom 2. tarifni broj 108. tačka d) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u iznosu od 1.000,00 KM, u korist Budžeta institucija Bosne i Hercegovine.

4. Pouka o pravnom lijeku

Protiv ovog Zaključka nije dozvoljena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednik

dr. Stjepo Pranjić